

**BOSNA I HERCEGOVINA
FEDERACIJA BOSNA I HERCEGOVINA
KANTON SARAJEVO
KANTONALNA JAVNA USTANOVA
„GERONTOLOŠKI CENTAR”
SARAJEVO**

**PRAVILNIK
O UTVRĐIVANJU GUBITKA NA ROBI USLJED KALA, LOMA
RASTURA I KVARA
U KJU „GERONTOLOŠKI CENTAR” SARAJEVO**

Sarajevo, decembar 2012.godine

Na osnovu člana 55. stav (1), alineja 1) Pravila Kantonalne javne ustanove „Gerontološki centar” Sarajevo, Upravni odbor Gerontološkog centra, na prijedlog Direktora, na svojoj 96. redovnoj sjednici, održanoj dana 07.12.2012. godine, donosi:

PRAVILNIK
O UTVRĐIVANJU GUBITKA NA ROBI USLJED KALA, LOMA RASTURA I KVARA
U KJU „GERONTOLOŠKI CENTAR” SARAJEVO

I OPŠTE ODREDBE

Član 1.

Ovim Pravilnikom u Kantonalnoj javnoj ustanovi „Gerontološki centar“ Sarajevo (u daljem tekstu: Gerontološki centar), utvrđuju se način priznavanja i normativi gubitka na robi u prometu, koji nastaje usljed kala, loma, rastura i kvara.

Član 2.

(1) Pod gubiticima na robi smatraju se oni gubitci koji pri normalnom postupku sa robom nastaju kao posljedica prirodnih uticaja ili kao posljedica radnji neophodnih u rukovanju, transportu i prometu robe.

(2) Gubitci na robi pojavljuju se u sljedećim vidovima:

- a) kao KALO koji nastaje isparenjem, topljenjem, smrzavanjem ili pod drugim sličnim uticajima;
- b) kao LOM koji nastaje razbijanjem ili lomljenjem pri rukovanju i upotrebi lomljivih proizvoda, kao i pri prometu tih proizvoda u lomljivoj ambalaži;
- c) kao RASTUR koji nastaje rasipanjem iz originalne ambalaže, rasipanjem pri mjerenju i vaganju, taloženjem i curenjem, kao i prilikom podjele i sječenja;
- d) kao KVAR koji je posljedica oštećenja, truljenja, raspadanja, buđavosti i drugih organskih i fizičkih promjena svojstva robe, ili je posljedica isteka roka upotrebe proizvoda.

II NAČIN PRIZNAVANJA GUBITKA NA ROBI

Član 3.

(1) Gubitak na robi (manjak) usljed kala, loma, rastura i kvara može se priznati u cjelosti ili djelimično.

(2) Ako se gubitak priznaje u djelimičnom iznosu, ostatak manjka od punog iznosa stavlja se na teret odgovornog zaposlenika.

(3) O uzrocima nastanka gubitka (manjka) materijalno zaduženo odgovorno lice daje pismenu izjavu, u kojoj se navode razlozi gubitka.

(4) Izjava iz stava (3) ovog člana se prilaže uz zapisnik Komisije za popis zaliha hrane i sitnog inventara.

Član 4.

Opšta stopa po kojoj se mogu priznati i ukalkulisati troškovi kala, loma, rastura i kvara sitnog inventara, materijala, robe i rezervnih dijelova, iznosi 2% od njihovog utroška, odnosno od troškova nastalih kao posljedica kala, loma, rastura i kvara.

Član 5.

(1) Utvrđivanje gubitka na robi vrši Komisija za popis zaliha hrane i sitnog inventara, prilikom obavljanja redovnog godišnjeg popisa sredstava Gerontološkog centra.

(2) Utvrđivanje gubitka na robi se po potrebi može vršiti i tokom godine, kao i prilikom obavljanja vanrednog popisa sredstava Gerontološkog centra.

(3) O utvrđivanju gubitka na robi Nadzorni odbor podnosi pismeni izvještaj Upravnom odboru na usvajanje.

Član 6.

(1) Gubici na robi ne mogu se priznati za robu u originalnom pakovanju, niti za proizvode koji se prodaju na komad (osim za lomljive proizvode, kao i proizvode koji upakovani u staklenu ili drugu lomljivu i osjetljivu ambalažu.

(2) Ne može se priznati, kao kalo manjak čitavih i ne oštećenih pakovanja ako je roba bila uskladištena u rolama, sanducima, buradima, kutijama ili sličnoj ambalaži, u kojoj se takva roba uobičajeno stavlja u promet.

III PRELAZNE I ZAVRŠNE ODREBE

Član 7.

Izmjene i dopune ovog Pravilnika vrše se na način i po postupku predviđenom za njegovo donošenje.

Član 8.

Stupanjem na snagu ovog Pravilnika prestaje da važi Pravilnik o utvrđivanju manjka na robi u prometu usljed kala, loma, rastura i kvara u stovarištima Javne ustanove „Dom za zaštitu starih lica“ Sarajevo, broj: 03-566/98 od 10.07.1998.godine.

Član 9.

Ovaj Pravilnik stupa na snagu narednog dana od dana donošenja od strane Upravnog odbora Gerontološkog centra.

Broj: 06- 993 /12.

Datum: 07.12.12

PREDSJEDNIK
UPRavnog ODBORA

Ramiz Kadifć, dipl.scr.

